

## Fischen am Fluss Mures 2012

Hät hei mr es paar Romakinder zeigt wi si Fische fö mit blossä händ. Si tribä d Fischä gmeinsam id Ängi und packä sä mit dä Händ unger dä Steinä. Es isch sehr idrückläch gsi wi geschickt diä zum Teil ersch 8-12 Jährigä si. Doch diä witus krasseri Fischmethodä isch d Strommethodä gsi. Am Mures fahrt dr Zug entlang und d Roma benützä d Stromleitigä zum fischä. Zersch wird ä Draht iz Wasser gleit und über di erschti Stromleitig gworfä. När wird ä zwöitä Draht iz Wasser gleit und über di zwöiti Stromleitig gworfä. Natürläch darf niemer im Wasser si, denn es git ä Knall und dr Strom faut us. D Fischä mues mä iz nur no zämä läsä und ipackä. D Nachteilä vo derä Methodä si dr Stromusfall für mehreri Stundä und natürläch stärbä nid nur di grossä Fischä, sondern aui Läbewäsä. Somit isch dr Fluss mit dr Zit tot.

David Hügli

